



**BARAZA LA WAWAKILISHI – ZANZIBAR**

**ORODHA YA SHUGHULI ZA LEO**

**BARAZA LA TISA LA WAWAKILISHI**

**MKUTANO WA SABA**

**Kikao cha Nane – Tarehe 06 Oktoba, 2017.**

Kikao Kitaanza Saa 3.00 (Tatu) Asubuhi  
na Dua itasomwa.

**I. TAARIFA YA SPIKA:**

**II. HATI ZA KUWASILISHA MEZANI:**

**Waziri wa Elimu na Mafunzo ya Amali:**

Hotuba ya Uwasilishaji wa Ripoti ya Wizara ya Elimu na Mafunzo ya Amali ya Utekelezaji wa Maagizo ya Kamati ya Ustawi wa Jamii kwa mwaka 2016/2017.

**Mwenyekiti wa Kamati ya Ustawi wa Jamii:**

Hotuba ya Maoni ya Kamati ya Ustawi wa Jamii Kuhusu Ripoti ya Wizara ya Elimu na Mafunzo ya Amali ya Utekelezaji wa Maagizo ya Kamati ya Ustawi wa Jamii kwa mwaka 2016/2017.

### III. MASWALI:

#### Ofisi ya Rais, Tawala za Mikoa, Serikali za Mitaa na Idara Maalum za SMZ:

67. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Mnamo tarehe 19/7/2017, watendaji wa Baraza la Manispaa walikamata mikokoteni 4 na vespa 3 zilizoegeshwa katika eneo la Darajani.

Je, ni sababu gani zilizopelekea vyombo hivyo vikachukuliwa na wahusika wa vyombo hivyo ni akina nani.

104. MHESHIMIWA. ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalumu za SMZ:

Wananchi wanaoishi karibu na mtaro wa maji ya mvua wa Meli Nne kwa Shunda na mtaro wa Meli Nne Uzi, mara nyingi wakati wa mvua za masika hupata taabu na usumbufu mkubwa wa kuingiliwa na maji katika nyumba zao. Kwa kuwa tatizo hilo lipo kwa muda mrefu sasa,

- (a) Je, Wizara kupitia Manispaa ya Magharibi "B" ina mpango gani wa kuifanyia matengenezo mitaro hiyo.
- (b) Kama matengenezo hayo yatafanyika, ni lini yataanza.

#### Ofisi ya Rais, Katiba, Sheria, Utumishi wa Umma na Utawala Bora:

34. MHESHIMIWA SULEIMAN SARHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Katika taasisi mbali mbali za Serikali, kumekuwa na tatizo la watumishi wa umma kutovaa sare zinazowatambulisha na hivyo kuleta usumbufu kwa wananchi wanaofika katika taasisi hizo kwa ajili ya huduma.

- (a) Je, Serikali inalijua hilo.
- (b) Kuna ugumu gani wa kuwaweka wafanyakazi wa Serikali kwa Wizara na Idara katika sare za nguo za Ofisini.
- (c) Je Serikali ina mpango gani na lini suala hili litapatiwa ufumbuzi ili kuondoa tatizo hilo.

**Wizara ya Ardhi, Maji, Nishati na Mazingira**

122. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Ardhi, Maji, Nishati na Mazingira:

Katika kuimarisha huduma za miundombinu, Serikali ilianzisha tozo la 2% kwa wateja wote wa ununuzi wa umeme hapa Zanzibar.

- (a) Hivi lengo la Serikali katika kuanzisha tozo hilo la 2% lilikuwa ni nini.
- (b) Ni kiasi gani cha fedha kimepatikana tangu kuanza kwa tozo hiyo.
- (c) Ni maeneo gani ambayo yamefaidika na fedha hizo.

**Wizara ya Elimu Na Mafunzo ya Amali:**

51. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Elimu na Mafunzo ya Amali:

Kwa kuwa wakati wa ziara ya Waziri wa Elimu alipotembelea skuli ya Kiuyu Kipangani mwaka 2016, wananchi walilalamika juu ya dhiki kubwa ya watoto wao wanaomaliza darasa la 6 kutembea masafa marefu kufuata skuli ya Konde, kwa takriban masaa (6). Na kwa sababu ya mazingira hatarishi ya usalama ya wanafunzi wa kike yaliyopo kwenye msitu wa Ngezi wanafunzi huamua kusitisha masomo yao.

- (a) Je, ni lini Wizara itaanzisha darasa la Form I kwa shule ya Kiuyu Kipangani kuwawezesha watoto wa Kiuyu Kipangani, Bandari Kuu, Kiuyu Kibatini Mshashani na vijiji vya jirani kupatiwa elimu ya Sekondari katika skuli ya Kiuyu Kipangani, jambo ambalo Mheshimiwa Waziri aliahidi kulishughulikia kwa haraka.
- (b) Je, ni sababu gani ya msingi inayosababisha Wizara kutoanzisha darasa la sekondari katika skuli hiyo.
- (c) Je, kunahitajika walimu wangapi wa kuanzia kwa masomo yote yanayofundishwa ya sekondari ili kusaidia kuanzishwa kwa darasa hilo.

**Wizara ya Kazi, Uwezeshaji, Wazee, Vijana, Wanawake na Watoto:**

95. MHESHIMIWA OMAR SEIF ABEID (Jimbo la Konde) – Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto.

Kwa kuwa Wizara ya Kazi, Uwezeshaji, Wazee, Vijana, Wanawake na Watoto imetoa maelekezo ya mishahara ya kima cha chini kwa kampuni na taasisi binafsi.

- (a) Je, Serikali ina mpango wa kusimamia makampuni au taasisi binafsi kuhakikisha kwamba wanawalipa wafanyakazi wao mishahara kama ilivyoagizwa na Wizara husika.
- (b) Je, kwenye kipindi cha mwaka 2015/2017 ni vijana wangapi ambao wameajiriwa kwenye sekta binafsi ambao wanatambuliwa na Wizara ya Kazi, Uwezeshaji, Wazee, Vijana, Wanawake na Watoto ili kufahamu uhalisia wa mchango wa sekta binafsi katika kukabiliana na tatizo la upungufu wa ajira kwa vijana wetu.

**Wizara ya Kilimo, Maliasili, Mifugo na Uvuvi:**

72. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Zipo taarifa kuwa Zanzibar inakabiliwa na upungufu wa madaktari wa mifugo ambao wamekuwa wachache.

Je, hatua gani zimechukuliwa kukabiliana na upungufu huo.

98. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Kilimo, Maliasili, Mifugo na Uvuvi.

Zao la karafuu nchini ni uti wa Mgongo wa uchumi na wananchi wetu wanalima na kuendeleza zao hilo kadri wanavyoweza.

Kwa kuwa zao la karafuu ni zao tunalolitegemea, Je, Wizara yako inawasaidia vipi wananchi juu ya taaluma ya zao hilo.

**Wizara ya Afya:**

132. MHESHIMIWA MWANAIDI KASSIM MUSSA (Nafasi za Wanawake) – Atamuuliza Mheshimiwa Waziri wa Afya:

Tunaipongeza Serikali na Wizara kwa juhudi zinazochukuliwa katika maandalizi ya kuifanya Hospitali ya Mnazi Mmoja kuwa Hospitali ya Rufaa. Lakini katikati ya majengo ya kutibu ubongo na mishipa ya fahamu na jengo jipya la mapokezi, watoto, huduma za dharura na wagonjwa wa nje, kuna jengo chakavu na bovu linaloitwa Mapinduzi Mpya ambalo linaharibu mandhari yote ya eneo hilo.

- (a) Lini Wizara katika mipango yake itaifanyia ukarabati unaostahiki jengo hilo linalotumika kuhudumia Viongozi wa nchi wanapougua ili lionekane kweli ni Mapinduzi Mpya na kustahili kulaza Viongozi wa nchi.
- (b) Kwa vile Wazanzibari tunapotaja Mapinduzi tunamaanisha utukufu kwa kile kinachonasibishwa na jina hilo, hivi Wizara haioni shida kuwalaza viongozi wetu katika jengo chakavu kama lile.

### **Wizara ya Ujenzi, Mawasiliano na Usafirishaji:**

33. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Kumekuwa na tabia ya daladala katika miji yote ya Unguja na Pemba kuvunja Sheria za barabarani, matusi na dharau na hata kuwanyanyasa abiria wakiwemo wanafunzi, tatizo ambalo limekuwa sugu na Sheria hazichukui mkondo wake ipasavyo.

- (a) Je, Serikali wanalijua tatizo hilo.
- (b) Kwa kuwa matatizo haya yanajirudiarudia kwa daladala hizo na wananchi wanaumia kwa matatizo hayo, Je, Serikali haioni adhabu zilizopo kwa makosa hayo zinahitaji kuongezwa.
- (c) Makondakta wanapata mafunzo kutoka wapi wakiwa wao ndio chanzo cha matatizo hayo.

110. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Je, Serikali imetumia kiasi gani cha fedha katika ujenzi wa barabara ya Wete – Konde ambayo kwa sasa imeanza kuchakaa tofauti na barabara ya KOGefa ya Konde -Chake iliyojengwa toka mwaka 1992 ambayo bado ipo vizuri.

### **III. HOJA ZA SERIKALI:**

#### **Waziri wa Elimu na Mafunzo ya Amali:**

Ripoti ya Wizara ya Elimu na Mafunzo ya Amali ya Utekelezaji wa Maagizo ya Kamati ya Ustawi wa Jamii kwa mwaka 2016/2017.

Zanzibar,  
06 Oktoba, 2017.

**(Raya Issa Msellem)**  
**KATIBU WA BARAZA.**